



# SLUŽBENE NOVINE KANTONA SARAJEVO

Godina XXVI - Broj 10

Četvrtak, 11. 3. 2021. godine  
SARAJEVO

ISSN 1512-7052

## KANTON SARAJEVO

### Skupština Kantona Sarajevo

Na osnovu člana 18. stav 1. tačka b), a u vezi sa čl. 12., 13. i 14. Ustava Kantona Sarajevo ("Službene novine Kantona Sarajevo", br. 1/96, 2/96, 3/96, 16/97, 14/00, 4/01, 28/04, 6/13 i 31/17), čl. 7. i 30. Zakona o pravima branilaca i članova njihovih porodica ("Službene novine Federacije BiH", br. 33/04, 56/05 - Ispravka, 70/07, 9/10 i 90/17) i člana 5. stav (2), člana 9. stav (2), člana 10. st. (2) i (3), člana 14. stav (4), člana 20., člana 32. stav (1), člana 34. i člana 42. Zakona o pravima demobiliziranih branilaca i članova njihovih porodica ("Službene novine Federacije BiH", broj 54/19), Skupština Kantona Sarajevo, na 33. Radnoj sjednici održanoj dana 03.03.2021. godine, donijela je

### ZAKON

#### O IZMJENAMA I DOPUNAMA ZAKONA O DOPUNSKIM PRAVIMA BORACA-BRANITELJA BOSNE I HERCEGOVINE

##### Član 1.

U Zakonu o dopunskim pravima boraca-branitelja Bosne i Hercegovine ("Službene novine Kantona Sarajevo", broj 45/12 - Prečišćeni tekst, 26/14, 46/17, 18/19, 20/20 i 24/20 - Ispravka) u članu 53. dodaje se novi stav 2. koji glasi:

"Pravo na mjesečna novčana primanja iz člana 52. ovog zakona ratni vojni invalidi 100% I grupe kojima je priznato pravo na dodatak za njegu i pomoć od drugog lica ostvaruju do dana ostvarivanja prava na mjesečna novčana primanja za personalnu asistenciju."

##### Član 2.

Član 64g. mijenja se i glasi:

"Član 64g.

Ratni vojni invalidi - paraplegičari i ratni vojni invalidi 100% I grupe kojima je priznato pravo na dodatak za njegu i pomoć od drugog lica ostvaruju pravo na mjesečna novčana primanja za personalnu asistenciju u cilju njihovog uključivanja u normalne životne aktivnosti i vraćanje narušenog dostojanstva.

Lica iz stava 1. ovog člana pravo na mjesečna novčana primanja za personalnu asistenciju ostvaruju pod uvjetom da su prebivalište, odnosno boravište na području Kantona imali

najmanje 10 godina neprekidno do dana podnošenja zahtjeva za ostvarivanje prava.

Osnovica za utvrđivanje iznosa mjesečnog novčanog primanja iz stava 1. ovog člana je prosječna neto plaća ostvarena u Kantonu u prethodnoj kalendarskoj godini, a ovaj iznos nakon pribavljanja podatka o visini prosječne neto plaće u prethodnoj godini za svaku budžetsku godinu utvrđuje ministar za boračka pitanja svojom odlukom.

Za ratne vojne invalide I grupe sa I stepenom tuđe njege mjesečna novčana primanja ostvaruju se u iznosu 40% od osnovice iz stava 3. ovog člana, zaokružen na cijeli broj.

Za ratne vojne invalide I grupe sa II stepenom tuđe njege mjesečna novčana primanja ostvaruju se u iznosu 28% od osnovice iz stava 3. ovog člana, zaokružen na cijeli broj."

##### Član 3.

U članu 66. stav 1. iza broja: "64a.", dodaju se riječi i broj: " i 64g.", a ispred broja: " 64a.", veznik: "i", briše se.

##### Član 4.

Ovaj zakon stupa na snagu osmog dana od dana objavljivanja u "Službenim novinama Kantona Sarajevo", a primjenjivaće se od 01.04.2021. godine.

Broj 01-02-6966/21  
03. marta 2021. godine  
Sarajevo

Predsjedavajući  
Skupštine Kantona Sarajevo  
Elvedin Okerić, s. r.

Na osnovu člana 13. tačka i), člana 14. stav 2. i člana 18. stav 1. tačka b) Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01, 28/04, 6/13 i 31/17), Skupština Kantona Sarajevo, na 33. Radnoj sjednici održanoj dana 03.03.2021. godine, donijela je

### ZAKON

#### O IZMJENI ZAKONA O ŠUMAMA KANTONA SARAJEVO

##### Član 1.

(Izmjena člana 61.)

U Zakonu o šumama Kantona Sarajevo ("Službene novine Kantona Sarajevo", broj 5/13) u članu 61. u stavu (2) procenat: "0,07%", mijenja se i glasi: "0,035%".

## Član 2.

(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-6967/21

03. marta 2021. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

Na osnovu člana 117. i 120. Poslovnika Skupštine Kantona Sarajevo ("Službene novine Kantona Sarajevo" broj: 41/12- Drugi novi prečišćeni tekst, 15/13, 47/13, 47/15, 48/16, 9/20 i 14/20), Skupština Kantona Sarajevo je na 33. Radnoj sjednici, održanoj dana 03.03.2021. godine, na prijedlog zastupnice Danijele Kristić, donijela sljedeće

## ZAKLJUČKE

- Obavezuju se svi upravnici/upravitelji na području Kantona Sarajevo da dostave Ministarstvu komunalne privrede, infrastrukture, prostornog uređenja, građenja i zaštite okoliša kopiju godišnjeg plana održavanja i poboljšanja zajedničkih dijelova zgrade, kao i predvidivih troškova i finansijskog opterećenja u narednoj 2021. godini koji su inače dužni izraditi shodno članu 41. stav (1) tačka k) Zakona o upravljanju zajedničkim dijelovima zgrade ("Službene novine Kantona Sarajevo", broj 19/17) za SVE zgrade na kojima su upravnici i to u elektronskoj formi-dokumentu (izvornom obliku ili skenirani) koji će OBAVEZNO biti u takvoj formi da je moguće njegovo pretraživanje po ključnim riječima.
- Obavezuju se svi upravnici/upravitelji na području Kantona Sarajevo da dostave Ministarstvu komunalne privrede, infrastrukture, prostornog uređenja, građenja i zaštite okoliša kopiju godišnjeg izvještaja o upravljanju i održavanju zajedničkih dijelova zgrade za 2020. godinu koji su inače dužni izraditi shodno članu 41. stav (1) tačka l) Zakona o upravljanju zajedničkim dijelovima zgrade ("Službene novine Kantona Sarajevo", broj 19/17) za SVE zgrade na kojima su upravnici i to u elektronskoj formi-dokumentu (izvornom obliku ili skenirani) koji će OBAVEZNO biti u takvoj formi da je moguće njegovo pretraživanje po ključnim riječima.
- Izvještaji će OBAVEZNO sadržavati SVE podatke shodno članu 46. Zakona o upravljanju zajedničkim dijelovima zgrade ("Službene novine Kantona Sarajevo", broj 19/17).
- Obavezuju se upravnici/upravitelji da gore pomenute zaključke izvrše do 31.05.2021. godine.
- Obavezuje se Ministarstvo komunalne privrede, infrastrukture, prostornog uređenja, građenja i zaštite okoliša da sve dostavljene dokumente po ovim zaključcima u elektronskoj formi objavi na svojoj službenoj web stranici pri čemu će im tehničku podršku pružiti Zavod za informatiku i statistiku Kantona Sarajevo.
- Obavezuje se Ministarstvo komunalne privrede, infrastrukture, prostornog uređenja, građenja i zaštite okoliša da u cilju povećanja transparentnosti rada upravnika/upravitelja obavijesti etažne vlasnike o objavljivanju ovih dokumenata putem Televizije Sarajevo i zvaničnog Facebook profila Vlade Kantona Sarajevo i Ministarstva komunalne privrede, infrastrukture, prostornog uređenja, građenja i zaštite okoliša.

- Ovaj zaključak stupa na snagu danom donošenja, a objavit će se u "Službenim novinama Kantona Sarajevo".

Broj 01-04-4830-13/21

03. marta 2021. godine

Sarajevo

Predsjedavajući

Skupštine Kantona Sarajevo

Elvedin Okerić, s. r.

## Vlada Kantona Sarajevo

Na osnovu člana 5., 26 i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 47. Poslovnika o radu Vlade Kantona Sarajevo ("Službene novine Kantona Sarajevo", broj 4/16, 36/16 i 43/20), Vlada Kantona Sarajevo, na 23. vanrednoj sjednici održanoj 05.03.2021. godine, donijela je

## ODLUKU

O IZMJENAMA I DOPUNI POSLOVNIKA O RADU  
VLADE KANTONA SARAJEVO

## Član 1.

(Izmjena člana 2.)

U Poslovniku o radu Vlade Kantona Sarajevo ("Službene novine Kantona Sarajevo", broj 4/16, 36/16 i 43/20) u članu 2. stav (1) mijenja se i glasi:

- "(1) Premijeru Kantona (u daljem tekstu: Premijer) i članovima Vlade, za vrijeme trajanja mandata, izdaje se iskaznica u skladu sa Uredbom o službenoj iskaznici članova Vlade Kantona Sarajevo ("Službene novine Kantona Sarajevo", broj 13/20)."

## Član 2.

(Dopuna člana 6.)

- (1) U članu 6. stav (1) iza tačke c) dodaju se nove tačke d) i e) koje glase:

- "d) U aktima usvojenim na sjednici Vlade Kantona Sarajevo može se izvršiti ispravka tehničkih i štamparskih grešaka koje su uočene po dobijanju akata, a prije njihovog objavljivanja u Službenim novinama. Predlagač materijala, prilikom uočavanja tehničkih i štamparskih grešaka u slovima, brojevima, imenima i nazivima, upućuje prijedlog za ispravku sekretaru Vlade koji osigurava izradu ispravljenih akata i dostavljanje na potpis premijeru.
- e) Prijedlog za ispravku štamparskih grešaka u objavljenom tekstu akata Vlade Kantona Sarajevo podnosi predlagač materijala ili organ uprave koji je nadležan za staranje o izvršavanju tih akata. Ispravke štamparskih grešaka u objavljenom tekstu akata Vlade, poslije spravnjivanja sa izvornikom, daje sekretar Vlade."

- (2) Dosadašnje tačke d), e), f), g), h), i) i j) postaju tačke f), g), h), i), j), k) i l).

## Član 3.

(Izmjena člana 35.)

U članu 35. u stavu (3) i (4) riječi: "poslovnika" zamjenjuju se riječima: "člana"

## Član 4.

(Izmjena člana 39.)

U članu 39. riječ "rukovodećih" briše se.

## Član 5.

(Ovlaštenje za izradu prečišćenog teksta)

Ovlašćuje se Ured za zakonodavstvo Vlade Kantona Sarajevo da utvrdi Prečišćeni tekst Poslovnika o radu Vlade Kantona Sarajevo, u roku od šest mjeseci od dana stupanja na snagu ove odluke.